



Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06 i 51/09), člana 25. i 74. Statuta Općine Centar Sarajevo-prečišćeni tekst ("Službene novine Kantona Sarajevo" broj 23/04), člana 6. Pravilnika o kriterijima i načinu sufinansiranja projekata ustanova socijalne zaštite broj :09/B-11-2748/26 od 16.04.2026. godine, tačke 20. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), člana 12. Odluke o izvršavanju Budžeta Općine Centar Sarajevo („Službene novine Kantona Sarajevo“ broj 52/25) i Odluke o pokretanju postupka raspisivanja i provođenja javnog poziva, Općinski načelnik objavljuje

## **JAVNI POZIV**

### **za dodjelu novčanih sredstava za sufinansiranje projekata ustanova socijalne zaštite iz Budžeta Općine Centar Sarajevo u 2026.godini**

#### **1. PREDMET JAVNOG POZIVA**

Predmet ovog Javnog poziva je dodjela novčanih sredstava za podršku projektima javnih ustanova socijalne zaštite, tekući transfer za podršku ustanovama socijalne zaštite.

#### **2. CILJ JAVNOG POZIVA**

Cilj dodjele sredstava je osiguravanje uvjeta za pružanje kvalitetnijih usluga korisnicima javnih ustanova socijalne zaštite, kao i davanje doprinosa socijalnoj inkluziji i zaštiti najosjetljivijih kategorija.

#### **3. FINANSIJSKA SREDSTVA**

Sredstva za dodjelu novčane pomoći planirana su u Budžetu Općine Centar Sarajevo za 2026. godinu na poziciji 614114-5A -tekući transfer kantonima javne ustanove socijalne zaštite za projekte socijalne zaštite- podrška ustanovama socijalne zaštite u ukupnom iznosu od 50.000,00 KM raspoređivat će se u skladu sa Odlukom Općinskog načelnika nakon provedenog Javnog poziva.

Ovisno o broju projekata koji se budu kvalificirali za dodjelu, projekti će moći biti podržani u minimalnom iznosu od 5.000,00 KM i maksimalnom iznosu do 10.000,00 KM.

Općina Centar Sarajevo zadržava pravo da ne dodijeli sva raspoloživa budžetska sredstva u slučaju da projektni prijedlozi ne zadovoljavaju zadate kriterije.

Sredstva koja se dodjeljuju ne predstavljaju državnu pomoć u smislu Zakona o sistemu državne pomoći u BiH.

#### **4. PRAVO UČEŠĆA NA JAVNI POZIV IMAJU SVE JAVNE USTANOVE SOCIJALNE ZAŠTITE U KANTONU SARAJEVO, A KOJE OBAVLJAJU DJELATNOST SOCIJALNE ZAŠTITE U SKLADU SA ZAKONOM I ISTE SU:**

- Registrovane za obavljanje djelatnosti socijalne zaštite - uvjerenje o registraciji ;
- Uredno obavljaju djelatnost socijalne zaštite- izvještaj o radu i postignutim rezultatima;
- Dostave potpunu prijavu u skladu sa javnim pozivom;
- Nemaju nenamjenski utrošena sredstva iz ranijih budžetskih transfera dodijeljena od strane Općine Centar Sarajevo u prethodnim budžetskim godinama;

- Dostave program aktivnosti/projekat sa finansijskom konstrukcijom za koje traže sufinansiranje;

## 5.DOZVOLJENA NAMJENA SREDSTAVA:

Sredstva se mogu koristiti za :

- doprinos zaštiti ranjivih kategorija društva;
- promociji socijalne inkluzije i zaštite najosjetljivijih kategorija ;
- unapređenje redovnih programskih aktivnosti;
- unapređenje kvaliteta socijalnih usluga;
- troškove realizacije programa i projekata za korisnike;
- razvijanju inovativnih mjera podrške korisnicima;

## 6.POTREBNA DOKUMENTACIJE

Prijava mora sadržavati sljedeću dokumentaciju :

- Popunjen obrazac prijave s osnovnim podacima o ustanovi i kontakt osoba;
- Uvjerjenje o registraciji ;
- Statut ili osnivački akt;
- Program aktivnosti /projekat za koji se traži sufinansiranje (opis aktivnosti, ciljevi, korisnici, očekivani rezultati );
- Detaljan finansijski plan projekta ( pregled troškova, iznos traženih sredstava, eventualni drugi izvori finansiranja);
- Ovjerena izjava da ustanova nema nenamjenski utrošenih sredstava iz ranijih budžetskih transfera od strane Općine Centar Sarajevo koja su dodijeljena u prethodnim budžetskim godinama;
- Ovjerena izjava kojom se potvrđuje da će dodijeljena budžetska sredstva biti namjenski utrošena u skladu sa odobrenim projektom/namjenom;
- Dokaz o broju korisnika usluga / posebno o broju korisnika sa područja Općine Centar Sarajevo;
- Izvještaj o radu i postignutim rezultatima;
- Transakcijski račun ustanove.

**NAPOMENA: Dokumentacija se predaje u originalu ili ovjerenoj kopiji.**

Dokaz da su opravdana budžetska sredstva ukoliko su ista dodijeljena od strane Općine Centar Sarajevo provjerava i organ po službenoj dužnosti.

## 7.KRITERIJI ZA DODJELU SREDSTAVA

Pri odlučivanju o dodjeli sredstava posebno se cijeni :

- Broj korisnika usluga sa područja općine Centar Sarajevo;
- Značaj programa za unapređenje socijalne zaštite;
- Kvalitet održivosti predloženih aktivnosti;
- Opravdanost finansijskog plana ;
- Dosadašnji rezultati ustanove;

## 8:KRITERIJ I BODOVANJE PRIJAVA

Prijave koje ispune formalne uslove ocjenjuju se prema sljedećim kriterijima:

1.Broj i struktura korisnika usluga sa područja Općine Centar Sarajevo obuhvaćenih programom maksimalno 20 bodova

- Do 20 korisnika -5 bodova
- Od 21 do 50 korisnika -10 bodova
- Od 51-100 -15 bodova
- Preko 100 – 20 bodova

2. Značaj programa za unapređenje usluga socijalne zaštite maksimalno 20 bodova
- Projekat nije jasno definisan - 5 bodova
  - Djelimično razrađen program - 10 bodova
  - Dobro razrađen program sa jasnim ciljevima - 15 bodova
  - Inovativan i potpuno razrađen program sa mjerljivim rezultatima - 20 bodova
3. Kvalitet i održivost projekta maksimalno 20 bodova
- Nizak kvalitet ( nejasni ciljevi, nedefinisana metodologija) - 5 bodova
  - Zadovoljavajući kvalitet - 10 bodova
  - Dobar kvalitet ( jasna struktura metodologija i aktivnosti) - 15 bodova
  - Izuzetno kvalitetan projekat ( jasni indikatori, održivost) - 20 bodova
4. Finansijski plan i opravdanost troškova maksimalno 20 bodova
- Nejasan ili neusklađen budžet - 5 bodova
  - Djelimično razrađen budžet - 10 bodova
  - Realna i opravdan budžet - 15 bodova
  - Detaljan transparentan i potuno opravdan budžet - 20 bodova
5. Dosadašnji rezultati i kapacitet ustanove do 20 bodova
- Bez značajnih rezultata - 5 bodova
  - Ograničeni rezultati - 10 bodova
  - Dobri i vidljivi rezultati - 15 bodova
  - Izuzetni rezultati i kontinuitet uspešnosti - 20 bodova

Ukupan maksimalan broj bodova : 100

Projekti koji ne ostvare najmanje 60 bodova ne mogu biti finansirani.

## **9. PODNOŠENJE PRIJAVA/ZAHTJEVA NA JAVNI POZIV , ROKOVI I NAČIN DODJELE NOVČANIH SREDSTAVA**

Javni poziv će biti objavljen na oglasnoj ploči Općine Centar Sarajevo i na web stranici Općine Centar Sarajevo ([www.centar.ba](http://www.centar.ba)).

Javni poziv ostaje otvoren 20 dana od dana njegovog objavljivanja.

Prijave/zahtjevi sa kompletnom dokumentacijom podnose se na protokolu Općine Centar Sarajevo svakim radnim danom od 07.30 do 16.00 sati ili putem pošte na adresu Općina Centar Sarajevo, Služba za boračko-invalidsku i socijalnu zaštitu- Odsjek za socijalnu zaštitu, ulica Mis Irbina broj 1, u zatvorenoj koverti, sa naznakom „Prijava na javni poziv za sufinansiranje projekata ustanova socijalne zaštite „ ( NE OTVARATI).

Nadležna Služba za boračko-invalidsku i socijalnu zaštitu će prijave na javni poziv prosljediti Komisiji za odabir i evaluaciju projekata.

### **Nepotpune i neblagovremene prijave neće se uzimati u razmatranje.**

Komisija za provođenje javnog poziva će u roku od 10 dana od dana zatvaranja javnog poziva sačiniti preliminarnu listu korisnika sredstava, istu objaviti na web stranici Općine Centar Sarajevo te ostaviti mogućnost isticanja prigovora u roku od 8 dana od dana objavljivanja.

O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 8 dana od dana ulaganja prigovora odlučiti o istom.

Nakon isteka roka za prigovore odnosno donošenja odluka o prigovorima, Komisija za provođenje javnog poziva pristupa izradi prijedloga odluke o sufinansiranju projekata ustanova socijalne zaštite.

Odluku o dodjeli sredstava donosi Općinski načelnik i ista se objavljuje se na web stranici Općine Centar Sarajevo.

Nakon usvajanja Odluke, Općinski načelnik će sa korisnicima budžetskih sredstava sklopiti ugovore kojima će se detaljno odrediti prava i obaveze ugovornih strana.

Korisnici sredstava dužni su dostaviti Izvještaj o utrošku sredstava u roku koji će biti određen ugovorom, a koji je u skladu sa Odlukom o izvršavanju Budžeta Općine Centar Sarajevo za tekuću godinu.

Praćenje utroška sredstava vrši Služba za boračko-invalidsku i socijalnu zaštitu.

Osobe koje učestvuju u postupku dodjele sredstava bit će isključene iz postupaka dodjele ukoliko se utvrdi da su u sukobu interesa u odnosu na podnosiocima prijave, a podnosioci prijave imaju mogućnost prijaviti sumnju na postojanje sukoba interesa, o kojima će davalac budžetskih sredstava odlučivati pojedinačno po svakoj prijavi. Dodatne informacije se mogu dobiti na broj telefona: 033/562-353.

**NAPOMENA:** Korisnici koji ostvare pravo po ovom Javnom pozivu, dužni su dodijeljena budžetska sredstva pravdati na način koji će biti utvrđen Ugovorom o dodjeli sredstava.

**Općinski načelnik**

Srđan Mandić